

## Meahccebarráigeahččoraporta 2021

**Meahciráđđehusa meahccebarráigeahčču dagai jagi 2021 oktiibuot 9 825 dárkkástusa (ovddit jagi 9 704). Rihkkumušat ledje 818 buot dárkkástusain dahjege rihkkumušaid prosentuala oassi 8,3 % lassánii badjelaš guokte proseantta ovddit jagi ektui.**

Guollebivddu rihkkumušaid oassi lei 36,3 % rihkkumušain dahjege 7,5 % unnit go ovddit jagi. Meahccebivddu oassi rihkkumušaid ollislašmearis lei 11,7 % (-1,1 %), meahccejohtolaga 23,4 % (-1 %). Luonddusuodjalanrihkkumušaid oassi lei 9,2 % (+3 %).

Meahccebarráigeahččit dárkkistedje jagi 2021 oktiibuot 2 322 **meahcásteaddji** (ovddit jagi 2 216), ja stuorámus oasis sis dahjege 95,9 % ledje meahccebivdui laktáseaddji áššit ortnegis. Rihkkumušat gávnnavuovjedje oktiibuot 96 (+0,8 %). Rágggáštusaid gárte addit earret eará vearjju fievrideapmái laktáseaddji rihkkumušaid geažil, ráfáidahtton lotti báhčima geažil ja go báhče eananlottiid geainnu ala. Meahcástanlobit váilo 21 dárkkistuvvon meahcásteaddjis.

**Guollebivdui** laktáseaddji dárkkástusat dahkkojedje 2 486 (ovddit jagi 2 359 stuhka), ja 88,1 %:s (-1,2 %) dárkkástusain áššit ledje ortnegis. Rihkkumušat gávnnavuovjedje 297 (+1,2 %). Stuorámus oasis rihkkumušain guske váilliide bivdosiid merkejumiin ja guollenáledikšunmávssu healbadeapmái. Guolástanrievtti hálddašeadji lohpi váillui 103 dáhpáhusas.

**Meahccejohtolaga** bearráigeahču deattuhedje giđđii ja čakčii. Muohttaga áigge nu gohčoduvvon assás muohttagis mohtorgielkkáin vuodjin geidnosiid ja geinnodagaid olggobealde leat šaddan dábálažžan. Loahppagease ja čakčat njealjejuvllagiid geavahedje veahkkin murjemis ja meahccebivddus. Meahcis dahke 871 dárkkástusa (ovddit jagi 507), ja áššit ledje ortnegis 88 %:s (+5,8 %) meahcis johtán olbmui.

Meahccebarráigeahččiid goziheamis goasii bealli čujuhuvvo iešguđetlágan **luonddusuodjalanguovlluide**. Mannan jagi erenomážit álbmotmehciid galledeaddjiid mearri lassánii mearkkašahtti láchkai ja diekko bokte maiddái luonddusuodjaleapmái laktáseaddji dárkkástusaid mearri lassánii. Dáid dárkkástusaid dahke 782 (ovddit jagi 568), ja rihkkumušaid oassi dáin dárkkástusain lei 9,6 % (+3,3 %). Dábálaččamus luonddusuodjalanrihkkumuš lei suodjeguovlluide ortnetnjuolggadusaid rihkkun, ovdamearkka dihte dola bidjan gildon guovlluide dahje ráddjejuvvon guovlluin gildon johtin.

**Stuorranávddiid** lágalaš bivdui ja navdon lágahis goddimii ja headušteapmái laktáseaddji dárkkástusat dahkkojedje 613 (ovddit jagi 414). Meahccebarráigeahččiid bokte dutkamiidda ovdánedje guokte roavis meahcástanrihkkosa, mat guktot laktásedje vuovdegottiid goddimii.

Meahccebarráigeahččit dahke bolesiin, rádjegozáhusain ja duolluin mannan jagi oktiibuot 353 oktasašbarráigeahču (ovddit jagi 248). Koronapandemijja joatkašuvvamis fuolakeahttá, oktasašbarráigeahčuיד baste dahkat eanet go ovdal. Erenomážit bolesiin dahkkon oktasaš gozihemiid mearri lassánii.

# ERÄLUVAT.FI

Meahccebearráigeahčus barge fas mánggat mearreáigásaš bearráigeahččit, geaid bargu lei gozihit guolle- ja meahccebivddu. Lasseresursan ledje maddái eaktodáhtolaš ovttasbargobearráigeahččit.

Sosiála media geavahuvvui meahccebearráigeahčus viššalit. lešguđet kanálain meahccebearráigeahču Facebook-siidu lea ain meahccebearráigeahču dehálamos sosiála media reaidu. Meahccebearráigeahču Facebook-siiddus ledje jagi 2021 loahpas badjel 8 000 čuovvuleaddji. Siidduin digaštalle gaskkohagaid viššalitge meahccebearráigeahču áigeguovdilis áššiin.

Meahccebearráigeahčus barge diibmá 11 fásta meahccebearráigeahčči goziheamen stáhta lagabui 12 miljovna hektára sturrosaš čáhce- ja eananguovlluid. Dasa lassin guokte mearreáigásaš meahccedárkkisteaddji barge SusiLIFE- ja Yhteinen Saimaannorppamme LIFE -proševttain (*Oktasaš Saimaanjurjomet LIFE*).